

B. N. C.
FIRENZE
1148
5





OCTAVII BANDINII

ORATIO IN OBITVM
SERENISSIMI COSMI
MEDICIS MAGNI
HETRVRIAE DVCIS.

*Habita Romæ in AEde D. Ioannis
Baptista xiii. Kal. Iulii.
CIO ID LXXIIII.*



FLORENTIÆ.
Ex Officina Bartholomæi Sermartellij.

1148.5



A X I M E vereor, Patres Amplissimi, nedum
C O S M I Medices Magni Hetruria Ducis obitum
publica funebriq; pompa summo cum animi dolore,
atq; acerbarecordatione deploramus, in quo grati,
& studiosi videri cupimus, inuidi potius, atq; eius
laudis, & glorie parum amantes videamur. Nam
quid morte optabilius ei esse poterat, qui cum per
quadraginta fere annos florētissimam Hetruria
Provinciam sibi subiectam equitate potius, & con-
cordia, quā belli, armorūmq; vi saluam, & incolu-
mem conseruasset; eamq; postea prouecta iam aetatis

filio *FRANCISCO* eximie virtutis, & prudentie viro, ac sibi penē alteri
dedisset administrandam, ad eum iam dignitatis gradum peruenisset, qui non sine sum-
mo labore, & corporis animiq; contentione comparatur, ea iam esset etate, in qua
molesta & iniunda vita dulcis, & optabilis mors videri solet. Quid, inquam, mor-
te huic optabilius accidere poterat, qua & vite, & glorie immortalitatem conseque-
retur? Quid si hac alicui vestrum *A*: forte cadit in mentem, animūque suspicio, is,
si libuerit, ex ipso orationis cursu colligere poterit letitie ne tanti viri mors, an lu-
elus, & meroris occasionem attulerit. Quis enim, obsecro, Christiane Religionis pro-
pugnator, pacis, & concordie authore, aequitatis, & iustitie custode, ac defensore
nostrum omnium propē parente extincto, in tanto omnium squallore, & luctu non ma-
reat, nō doleat, non fletu illum, non lacrymis, nō aliqua grati animi significatione pro-
sequatur? Quod si admirabilem in administrando prudentiam, in agendo industriam p-
manus in hac Medicea gente quasi traditam filio suo hereditario propē iure non reli-
quisset, auderem profecto dicere, plus nunc ex illius iactura nos capere detrimenti,
quā per tot annos ex singulari illius vigilantia, cura, & administratione ceperimus
utilitatis. Verū quoniam funebrem hanc exequiarum pompā cum Florentinorum in
eum observantia, tum verō maxime eius singularia merita flagitabant mihi, cui ne co-
gitanti quidem, quamuis nō satis idoneo hoc dicendi munus de mandatum est, magno-
pere laborandum fuit, non tam ut orationis mea materiam inuenire, quā ut eam
in eius laudibus recensendam rationem instituerem, quæ, & rei magnitudini, & tem-
poris angustiis consentanea videretur. Itaq; ut ipse de quo dicturus sum, nostrū in
se omnium præclaram voluntatem cognoscat; vosq; omnes, qui huic funeri adessis, exi-
mii Principis singulares virtutes, egregiāq; facinora penitus percipiat, ea in tanta
rerum multitudine breuiter colligam, quæ si non propter nouitatem inaudita ob singu-
larem quidem certē præstantiā laude, & admiratione digna cuiq; videbitur. Quam-
quam tam multa in hoc latissimo dicendi campo prægelata omnia, ac propē diuina dicen-
ti occurrunt, ut magnopere verendum sit, ne rerum gestarum gloria, & splendore
quibusdam quasi Solis radiis tenuissima ingenii mei acies perstrieta, & tantæ rei, &
vestre expectationi parem orationem afferre non possit, Ac de Medicea quidem fa-
milia quid est, quod quisquā hoc tempore, aut illa dignitas, aut vobis nouum, aut cui-
quam inauditum afferre se posse confidat? cuius splendor, & dignitas infinitis nobilif-
simorum scriptorum literis celebrata vigeat memoria sæculorū omnium. Qui hostes,

aut privati Reipub. Florentine, aut publici totius Christiani Imperii, horum arma, virtutem, vim, ac potentiam non exhorruerunt? Quæ vnquam ætas de Cosmi, Petri, Laurentii, de trium Ecclesiæ luminum Leonis decimi, Clementis septimi, & Pii quarti laudibus. & rebus præclare gestis conticescet? in illis quidem prudentia cum vitæ integritate, in his morum, vitæq; integritas cum prudentia coniuncta laudatur: In illis cum moderatione celeritas; in his cum celeritate moderatio commendatur. In illis rei militaris scientiam cum Religionis, & pietatis studio. In his Religionis, & tuende & amplificande studium cum aliqua etiam rerum bellicarum peritia suspiciunt, & admirantur omnes. Quid de cæteris Principibus dicam? qui ex hac familia tantam ex Equo Troiano exierunt? non potuit sese Mediceæ familie virtus intra Italiam fines continere; sed ad FRANCISCVM Regnum vsq; non tam humano, quam Diuino (vt ego quidem arbitror) consilio, & voluntate penetravit; quas vnquam in illa Prouincia infestissimi nostra Religionis hostes insidias comparauerunt, quas non diuinus ille adolescens Carolus nobis superioribus diebus immatura morte præreptus Catherine Medices optima, sanctissimaq; Matris adiutus consiliis effugerit? Quæ illi in Dei Ecclesiam venenata tela coniecerunt, quæ non hi singulari prudentia, & virtute retuderint? quas ad illius Regni perniciem accensas faces, quæ ad totius Christianæ Reipublice detrimentum excitata incendia incredibili cum celeritate summo Religionis defendende studio, & ardore non extinxere? Nunc autem prudentissima illa fœmina cum optimo Galliam Parente, & carissimo se filio orbatam videat, non modo in tolleranda filii morte constantiam, sed in Regni gubernaculis suscipiendis singularem prudentiam declarat: dum hostium debilitatis, fractisq; viribus, Henrico filio tutum, tranquillumq; Regnum conseruat; quem ad discutiendas cæcas errorum nubes, ad extirpandas falsas de rebus Diuinis opiniones, errantes in viam reducendos, armis deniq; vniuersam Galliam liberandam Diuino nobis in tantis calamitatibus, consilio, datû finem tanto, ac tam diuturno bello non sine summa Christianæ Reip. salute impositurum speramus. Hinc, & Ioannes Medices, huius ipsius, de quo loquimur, Cosmi Parens originem duxit, quem non modo cum præfiscis illis tanta virtutis, & prudentiæ Ducibus comparandum, sed longe etiam præstantiorem putem, quod illi vini dumtaxat; hic verò vel mortuus de hostibus victor gloriosissime triumphauit. Tanta enim in eo erat humanitas, tanta in omnes liberalitas, vt quos non armorum, tubarumq; strepitus, non dedecus, non ignominia, non patriæ ac parentum amor, & charitas commoueret, ipsa, proh Deus immortalis, Ioannis Medices Patris Militum (sic enim appellabatur) ipsa, inquam, sola viri recordatio ad arma, ad pugnam ad victoriæ, triumphiq; laudem consequendam incitaret. Quod cum hæc præclara; & post hominum memoriæ admirabilia sint, certè nihil illi gloriosius, nihil ad hominum famam, & posterorum commendationem illustrius accedere potuit, quam quod Maria Saluata gratissima, & nobilissima fœmina vxore ducta COSMVM genuit, & educavit filium, qui paternas non modo adæquauit virtutes, sed nobilitatem ipse suam rerum gestarum gloria nobilitauit. Erigite, obsecro, animos. A. atq; infans prope tum pueritiæ, tum adolescentiæ laudibus prudenter omisissis, ad ea, quæ fortunæ tribuntur bona ad ingentem, ac penè incredibilem felicitatem summa cum virtute coniunctam mentem cogitationemq; conuertite. Nam si hæc aliquid ad ho-

minis laudem valere putantur, quis in Italia post homines natos COSMO Duce,
 aut fortunator, aut dior, aut rebus omnibus florentior inquam fuit? qui ei Vrbi,
 atq; Italie parti præsui, quæ, & Regionis situ cæli temperie, accolarum natura, fru-
 gum vbertate, negotiorum multitudo, rerum gestarum gloria nulli sit inferior; mul-
 tis autem vel nobilissimis Provinciis longe superior; Cum enim esset adhuc summe
 spei, & virtutis adolescens à Senatu Florentino summa omnium consensione commu-
 ni omnium ætatum, atq; ordinum lætitia Reipublicæ caput, & Dux renunciaretur.
 O lætam, nobisq; omnibus iucundam, & salicem diem, & posteritati perpetuò cele-
 brandam. Non poterat diuina hæc, & immortalis virtus diutius latere, atque abdi-
 ta iacere in tenebris. sed ipsa se se suo splendore prodidit, & in omnium conspectu, atq;
 orbis terræ theatro posita in omnes, vel remotissimos angulos lucis sue radios, fulgo-
 remq; transmisit. Etenim incredibile est quanta cum prudentia, & consilio in hoc di-
 gnitatis gradu constitutus, excitatus armis seditiones, ac tumultus comprimere, opti-
 misq; legibus, ac salutaribus decretis debiles adhuc, & infirmas renascentis Reipubli-
 cæ vires confirmare cepit. Intelligebat enim summo vir ingenio optimè constitu-
 tas ciuitates non tam armorum quàm legum presidio instructas esse oportere. Quam à
 primis pueritiæ annis sui apud omnes expectationem concitauerat, & quam gerebat
 personam sustinendam sibi esse existimabat. Nihil agebat, nihil vir ille cogitabat,
 quod non vtile, ac salutare ciuitati. non gratum, non iucundum, non perhonorificum
 esse iudicaret. Nam & Pisarum nobilissimam Urbem, quæ Ciuium incuria pristinum
 suum splendorem penitus amiserat, frequentissimis ædificiis ornauit, agroq; purgato,
 paludibus exiccatis, doctissimos in ea homines alendo, nobilissimorum adolescentium
 frequentia, & Peregrinorum, qui eò vndiq; confluunt, multitudine saluberrimam, &
 celeberrimam reddidit. Aretium, & fortissimis propugnaculis munivit, & validissi-
 mis sepsit presidiiis. Pisforiensium ciuitatem intestino bello, ac civilibus discordiis la-
 borantem breui magna omnium cum admiratione, & armis, & armorum formidine
 liberauit. Et ne quod posset excogitari laudis genus, quod ei fortuna denegasset, vr-
 bem condidit, quæ COSMI nomen referens eum in posterorum obliuionem venire
 ob eius singulares virtutes, atq; animi dotes non pateretur. Sed quàm est eis, qui cæ-
 teris presunt, aut seueritatis, ac fortitudinis inuidia, aut inertie, ac nequitie suspicio
 pertimescenda? Inuidiam tamen ille virtute partam gloriam, non inuidiam putabat.
 Vix enim sexto Principatus sui mense complures Florentini Ciues, vt in ciuitatibus
 Ciuium frequentia, & nobilitate illustribus accidere solet, militum collecta manu bel-
 lum Patris Parenti indicunt. Non tulit fortissimus Adolescens in tanto salutis di-
 scrimine diutius versari Rempublicam, vi ad arma compulsus, Cæsaris implorato
 auxilio, fugatis ad Montem Martium, interemptisq; hostibus, armis Remp. metu
 Ciuitatem, vniuersam deniq; Provinciam bello conflagamantem, vastatione, & incen-
 dio liberat, incredibilem apud omnes beneuolentiam, immortalem apud posteros sui
 nominis gloriam consecutus. Sedatis demum pacatisq; rebus se se ad ciuitatem in pa-
 ce atq; ocio administrandam ita contulit, vt in se omnium non modò Ciuium, sed ex-
 terorum etiam mentes animosq; conuerteret, & salicem Florentinam Remp. commu-
 ni omnes consensu, ac fortunatam predicarent, quam Deus Opt. Max. tanta virtu-
 tis, integritatis, consilii, & prudentia viro gubernandam tradidisset. Et quoniam

Magistratus Civitatis, & honores tum ad Reip. salutem necessarios, tum præmia, & ornamenta virtutum esse intelligebat, veteres non modò non sustulit, sed novos etiam instituit, ut Cives ad labores pro Rep. fortiter subeundos, hac proposita præmii spe, quasi quibusdam laudis, & honoris stimulis incitarentur. Quanta semper in hac Civitate Iudiciorum fuerit cum severitate integritas, cum integritate severitas; huius ego rei tot habeo testes, quot hic adestis Florentini Cives; à quibus inter ceteras præstantissimas huius viri virtutes, moderatam iudiciorum rationem, diuinarum, humanarumq; legum observantiam predicari sepe, & commendari amplissimis verbis audiui. Vxorē, cum esset adhuc adolescens, duxit **ELEONORA** M Petri Toletani Principis in Hispania viri filiam, cuius laudes cum copiosis ab aliis enumeratas audieritis, recensere in præsentia superuacaneum esse iudicavi. Illud certè tacitus præterire non possum, sed magna voce proferre, vel inuitus cogor. Fuit hæc **FRANCISCI, IOANNIS, GARSIAE, FERDINANDI, PETRI**, hæc inquam, **ISABELLAE, & LVCRETIAE**, Parens fuit; hæc tantos tanta virtutis filios procreavit, & aluit. In his, si placet, quandoquidem vna virtutis imago erepta est mortalibus, parentum, ut paucis multa complectar, virtutes non leuiter adumbratas sed ad vnum mirabiliter expressas recognoscite, hos intuemini, horum vitam & mores diligenter obseruate. Parentum in filiis, filiorum in parentibus similitudinem incredibilem, admirabilem, singularem, in vtriusq; virtutē inuenietis; quàm multa de **IOANNE**, ac **FERDINANDO** Medices Ampliffi Cardin: dicenda essent, in quibus tanta fuit ingeniorum similitudo, ut cum illius singularis vita morumq; integritas admirabilis in rerum administratione, prudentia, consilium, ac propè diuina virtus in mentem veniunt, quos ei comparare possim paucos inueniam. Cum hunc verò, cuius præsentia luce interdum recreamur, intueor, non fratrem modò (quod fieri vix posse mihi persuadebam) sed semetipsum mihi superasse aliquando videtur. Sed quid ego pluribus apud vos Patres Ampliffimi huius laudes recensere contendo, cuius in maximis, grauissimisque rebus consilium, & industriam cum singulari quadam comitate coniunctam sepe experti esis, & in dies magis experimini? Quare ut ad **COSMVM**, vnde digressa est, mea reuerſatur oratio, quæ, & quot in hoc vno sunt, quæ illum non modo suis gratissimum; sed exteris etiam amabilem reddiderunt; quot continentie, mansuetudinis, & benevolentie extant exempla, quæ non modo suos infra æquitatis, legumq; limites continuit, sed inter finitimos & externos ortas seditiones sedare & in pristinum pacis, ac tranquillitatis statum reſtituere conatus est. Neminem vestrum ignorare arbitror. A quid à **CAROLO** Quinto ad bellum Reipub. Senensi inferendum provocatus responderit, Malo (inquit) Senensium meis officiis, & benevolentia auctam in diuturna pace, atq; ocio sociam mihi, & amicam Civitatem stare, quàm meis armis, ac Viribus labefactam corrumpere. Pertimescebat enim vir ille prudentissimus, ne præclara ante acta vite facinora, perpetua apud posteros suscepti belli inuidia obtinerentur; Quin ita amplissimam illam, atq; ornatissimam urbem perpetuo dilexit, ut nunquam atrocissimi illius belli, nunquam armorum, tubarumq; strepitus, nunquam memorabilis illius pugna veniret in mentem, nunquam semirutæ mania, humi prostrata adificia inspiceres, quin acerbissimum eius animo doloris vulnus iam multo antea in-

fictum

*fluum recrudesceret. Sed cum intestinis Florentissima illa Resp. laboraret discordiis, cresceretq; in dies magis armorum multitudo, eoque iam ventum esset, ut à Cesare, cuius olim se se in fidem dederat, deficere, & suo iure omnia vellet administrare; cum (inquam) in tanto armorum strepitu tanquã ex aliqua speculeret COS MVS magna, quã Florentina Reip: imminebant pericula, animo prauideret & à Cesare, à quo ob singularem, & sæpe in rebus gerendis expertam, prudentiam, & virtutẽ mirificè diligebatur, ut hoc commune bellum susciperet, sæpius rogaretur; suas esse demum partes tot, ac tantis instissimis de causis arbitratus est, tantã in se belli molem convertere, & exterorum metu, ac formidine Remp. & vniuersam Hetruria provinciam liberare. Quod quidem bellum tanta cum prudentia administravit, ut non minus se hostibus, quam suis amabilem, nec suis minus, quam hostibus formidabilem reddiderit, & ad eum tandem exitum perduxerit, quem optabant, & sperabant omnes. In quo incredibilem Caesaris liberalitatem, gratiq; animi significationem non admirari non possum, qui confecto iam bello tanta hominis virtute permotus, cuius labore, & sumptibus optata erat pax civitati reddita, eiusdem etiam prudentia, & consilio voluit diutissimè conservari. Accepta itaq; COS MVS urbis primum tum arcium, & presidiorum in agro Senensi administratione non modo in pristinam dignitatem restituit mœnia, ædificia, sacraq; ædes belli calamitate prostratas reficiendo, sed ita ornauit, & auxit sanctis, ac salutaribus decretis confirmavit, ut ex illo die, quo die in eius potestatem venit, vsq; ad hæc nostra tempora in diuturna pace, atq; ocio conquieverit. Longum esset singulas eius laudes, & facta persequi, quare iis, quæ in reliquo vitæ cursu præclare gessit, prætermittis, ad ea, quæ recentiora sunt, properabo, omnia laudabiliter, omnia fortiter, omnia sapienter fecit, ita ut omnia singularia cum sint, nihil in eo inuenias singulare. Affinitas certe, quæ F R A N C I S C V M filium cum Austriis, atq; ipso Imperatore Augusto deunxit quantam ducendi facultatem suppeditaret. Equidem statuere haud possum, plus ne familie splendor, ac dignitas ornamenti, an præstantissima I O A N N Æ Austria virtus, animiq; probitas utilitatis vniuersæ Civitati attulerit, in qua non Imperatoriam stirpem, non naturæ bonæ, & fortune abundantiam, quæ cum vel maxima in ea sint, magnam tamen sibi eius laudis partem Fortuna vendicat, sed in subleuandis pauperum calamitatibus liberalitatem, & benevolentiam, summam in colendo Deo pietatem in omni vita integritatem, in illa sexus imbecillitate, non dum sua maturitate perfecta ætate, & suspiciunt omnes, atq; ingenti predicatione extollunt. Faneat cæptis Deus Opt. Max. faueat, inquam, & Medice Austriaq; familie patrocinio testam Civitatem omni rerum genere, Florentissimam, nobisq; diutissimè (ut speramus) seruet incolumem. Ad pietatis nunc cultum, ac Religionis amorem venio, qui tantus in COS MO fuit, ut amplissima sit dignitatis, vel ob hanc vnam causam præmia cõsecutus. Quorsum enim obsecro fortissimorum equitum sodalitatem ab eo influentiam arbitramur? Vos, vos appello, qui illius nobilissimæ Crucis insignibus decorati, in eam elitis militiam adscripti, quid districtus ille dextra gladius agit? cuius latus ille mucro petit? quid à vobis Crux vestræ familie insigne efflagitat? Quid equitis nomen, & cetera equitum ornamenta requirunt? Non dubito quid responsuri sitis, perfidorum hostium iniurias à Dei Ecclesiæ, sacrilegas à sacris Virginibus impiorum manus, à cæcis templisq; ex-
des,*

des, & incendia ferrum à Christianorum iugulis, iugum deniq; a cervicibus omnium vi, ferro, sanguine, ac vita propulsare debemus. Huc suas ille curas, cogitationes, & consilia dirigebat, eamq; ob rem cum nouas societates instituire non nisi Regibus liceret, hanc ipse facultatem à PIO IIII. Pont. Max. ob singularem, & multis in Ecclesiæ periculis spectatam virtutem obtinuit; quid quod nullum vnquam contra Christiani nominis hostes non dicam gestum, sed nec susceptum est bellum, in quo ille non aut copius, aut stipendius, aut armatis, instructisq; triremibus, aut deniq; fortissimis huius ordinis equitibus Dei Ecclesiam iuuerit. Sed quid ego plaribus hec testimoniiis, & exemplis probare contendo, quæ innocentissimi viri sunt, & Sanctissimi Pontificis testimonio comprobata? quam enim obsecro, ob causam amplissimis post hominum memoriam honoribus à PIO Quinto Pont. Max. ornatum fuisse putatis, nisi ob pietatis studium, Religionis amorem, & charitatem, videbat enim summus ille vir, & gregis sibi commissi diligens Pastor Ecclesiæ nauim ventorum procellarumq; tempestati expositam, hostium armis vndiq; circumuentam, huc, atq; illuc humano denudatam præsidio temerè agitari. Nouerat huius ad opem in Ecclesiæ calamitatibus ferendam animi propensionem. Acceperat à Cesare olim hac ipsa de causa illius in equestrem aurei velleris ordinem adscriptum esse, suas esse partes Sanctissimus Senex arbitratus est, pietatis studiosis fauere, bonos, & bene de Christiana Rep. meritos debitis præmiis, & honoribus ornare, vt ceteros proposita præmii spe ad eiusdem laudis emulationem alliceret. Tantis in eo erat, non tuenda modo, sed amplificande etiam Religionis amor, & studium; sed facere non possum, quin intimo animi sensu commotus hoc loco exclamem, ò miseram humanæ vitæ conditionem, quem ante quatuor annos tanta cum pompa Urbem Romam ingressum tanto bonorum omnium plausu, & lætitia vniuerso spectante populo, Regio scepro, & corona ornari vidimus, huic hodierna die iam mortuo tanto cum squallore ac luctu iusta persolimus. O spes fallaces, ò inanes cogitationes, sic fluunt, occidunt, & labuntur omnia. Vt enim Florentiam rediit graui, ac diuturno morbo oppressus, cum per biennium acerbissimum in corpore dolorem, magna animi virtute, & constantia tollerasset, XI. de muni Kal. Maii, LV. ætatis, sup. anno, ex hac mortali, fragiliq; vita decessit. Extincta est, (magno equidem hæc cum dolore dico, quæ mihi tamen necessario dicenda sunt) extincta (inquam) admirabilissima in priuatis rebus moderatio; splendor in publicis; in bellicis fortitudo, in Urbanis prudentia, in suscipiendis consilium, in exequendis industria, in subleuandis, ornandisq; cinibus charitas, & munificentia; in puniendis, castigandisq; leuitas; in duris, aduersisq; rebus patientia; in prosperis, & secundis æquabilitas; summum in omni vita Religionis, pietatisq; studium; firmissimum illud bonorum præsidium, sanctarum lator legum, pacis, & concordie custos; Iustitiæ, & pietatis patronus, hæc inquam, omnia vna eripuit hora. Vellem equidem aliquod dolori nostro leuamen Cives asferre, sed cum vestras lacrymas tantum bonorum omnium marorem, ac luctum, ipsa deniq; mænia tanto squallore obsita circumspicio, acerba tanti viri recordatio veterem animi curam, & molestiam mihi vel inuitissimo renouat, ita vt nisi ad sempiternam illam, quam (vt auguratur animus) post mortem affecturus est beatitudinem, & ad eam lucem, quæ in tanta rerum caligine Reip. Florentinæ tanta omnium cum admiratione coruscare cepit, FRANCISCV M, inquam,

inquam, filium, animum, cogitationemq; conuertam, nullum alibi in tantis calamitatibus solatium, nullum in tanto omnium dolore consolationis genus inueniam. Te enim COSME appello, qui corporis his compagibus solutus ex hac caduca mortaliq; vita ad beatissimum illud Beatorum domicilium Diu no consilio ereptus euolasti? Quibus, obsecro, bonis, quibus ornatus honoribus promissam piis omnibus possides hereditatem? quæ, & quanta virtutis es præmia consecutus? magna (vt opinor) immortalia, diuina, sempiterna. Tuorum in te Ciuium animos, & perpetuam tuorum beneficiorum memoriam dum luctu te, & lamentationibus prosequuntur, agnosce quæ eis in terris beneuolentiam, & paternam curam tot, & tantis testimoniis declarasti, eandem nunc in loco Diuine charitatis ardore auctam perpetuo conserua. Annuit (vt mihi videtur) annuus Cives à Cælo COSMVS prospera nobis omnia, & secunda, eandem si eadem in nobis erit grata, & pia voluntas, in filios, erga nos beneuolentiam, eadem si in eiusdem virtutis insulam via, præmia eademq; bona pollicetur. Resat igitur nunc, vt quoniam eius virtute, & prudentia factum est, vt FRANKISCUS filio non modo Imperii, sed virtutis, & glorie hereditatem, quam maxime firmam, stabilem, certamq; reliquerit, hoc læto potius, hilariq; vultu, prout humana imbecillitas feret, quam mærore, & luctu, comprobemus. Quid enim illius fortasse in hominibus ad se admittendis comitatem desideratis? benignitate hic ipsa est, & humanitate humanior; in cognoscendis constituendisq; rebus prudentiam requiritis? Quis hoc vno prudentior, qui ad imperandum natus, & diuinitus nobis datus, turbulentos animi motus sedare priusquam iis afficeretur, didicit, cuius adolescentia ad Remp. gerendam, non externa, sed domesticæ virtutis exemplo, non alienis præceptis, sed suis imperiis, non bello, non armis, sed optata, & diuturna pace tractata est. Morum vitæq; integritatem optatis? singularem in eo esse dicerem, si iis, qui ceteris præfunt non necessaria potius, quam laudabilis videretur. Pietatem demum in colendo Deo, defendendæ Religionis studiū expectatis? Intelligent hoc Romani Pontifices, si quando Christiana (quod Deus omen auertat) in discrimen adducta Respublice opem, & auxilium implorabunt. Sentient hoc quicumq; ad inferendū nobis bellū arma capient, quis eius sit erga Romanam hanc sedem animus, quæ mens, quæ voluntas, quis armorum sensus non sine suo magno malo cognoscent. Nostre demum partes, Cives, sunt, vt longam ei, diuturnamq; vitam, felicem Imperii aduiniistrationē, tutam, tranquillamq; pacem, prospera deniq; omnia, & secunda à Deo immortalis maximis, diuturnisq; præciis contendamus. Dixi.





